

主 編 卞甫

副主編 陳玉宇

明代基本史料叢刊・文集卷
(第一輯)

『洪武、建文朝』

一七

綫裝書局

危學士全集十四卷

〔明〕危素撰

復旦大學圖書館藏清乾隆二十三年芳樹

園刻本

附《四庫全書總目·危學士全集十四卷》提要

叙

昔侯喜見稱於韓退之矣武陵見推於柳
子厚一以為其文甚古一以為直追西漢
今其集俱無存矣歐陽公云文志載有吳
武陵書一卷而他氏之目併其名之軼之
若侯喜所著獨英華文粹僅存一二雖歐
志且不及也夫以韓柳所推彰明較著若
是而其集猶不免於湮沒則千百世之下

余

其間能文之士何限而湮沒不傳者曷可
勝道太朴危先生博學多藝當時頌其詩
文者至比之太音元酒明初宋公濂王公
禕又且入其門而尸祝之則其集團未嘗
亡於海內也乃歸熙甫欲購其詩文而惜
其不傳傳子平跡嘆為罕見王公斫田竟
謂無復存者然則先生之詩文又安望其
尚存于今而得稍為流布乎歲甲子制臺

黃公徵書江右首列先生文集名檄下金
穀而邑侯宋公遍搜邑中渺不可得及讀
穆堂初稿有目下鈔出劉原父危太朴二
集之語因踵門禮請乃得鈔出嗣是先生
詩文稍見于金穀士夫家矣按江西通
志載先生全集凡五十卷今所存者不逮
十之一耳而予友李子相余子之梅溪廣
為搜索別其真贗編為十四卷授予付梓

泉

十一

六

雖于全集未為際括然亦足以傳其一鱗
而不致為羨喜吳武陵之續也嗟乎昔人
云古文之傳于今者鮮矣藏書之家秘不
以示人剽剽之家又求之不可得兩者不
相為謀則是古文終無流布之日也可嘆
哉

乾隆二十三年十月既望後學嚴紋璽頓
首書

明史本傳文苑

危素字太樸金谿人唐撫州刺史全諷之後少通五經遊吳澄范梈門至正元年用大臣薦授經筵檢討俟宋遼金三史及注爾雅成賜金及宮人不受由國子助教遷翰林編修纂后妃等傳事逸無據素買錫餅饋宦寺叩之得實乃筆諸書卒為全史遷太常博士兵部員外郎監察御史工部侍郎轉大司農丞禮部尚書時亂將亟素每抗論得失十八年叅中書省事請專任平章定住搃西方兵毋迎帝師悞軍事用

普顏不花全集

普顏不花

普顏不花為叅政經略江南立兵農宣撫使司以安
畿內任賢守令以撫流竄之民且曰今日之事宜卧
薪嘗胆力圖中興尋進御史臺詔書侍御史二十年
拜叅知政事俄除翰林學士承旨出為嶺北行省左
丞言事不報棄官居房山素為人侃直數有建白敢
任事上都宮殿火敕重建大安睿思二閣素諫止之
請親祀南郊築北郊以示合祭之非因進講陳民間
疾苦詔為發錢粟賑河南永平民淮南兵亂素往廉
問假便宜發楮幣振維揚京口饑居房山者四年明

帝將就燕王帖木兒不花監國起為承旨知民素
甫至而師入乃趨所居報恩寺入井寺僧大梓力挽
起之曰國史非公莫知公死是死國之史也素遂止
兵迫史庫往告鎮撫吳勉輦出之元實錄得無失洪
武二年授翰林侍講學士數訪以元興亡之故且詔
撰皇陵碑文皆稱旨頃之坐失朝被劾罷居一歲復
故官兼宏文館學士賜小車免朝謁嘗同諸學士賜
宴屢遣內官勸之酒御製詩一章以示恩寵命各以
詩進素詩最後帝獨覽而喜之曰素老成有先憂之

意時素已七十餘矣御史王著等論素元臣不宜列侍從詔居和州閱再歲卒先是至元間西僧嗣古妙高欲燬宋會稽諸陵夏人楊輦真珈為江南總攝悉掘徽宗以下諸陵攫取金寶裒帝后遺骨瘞之于杭之故宮築浮圖其上名曰鎮南以示厭勝又截理宗顱骨為飲器真珈敗其貨皆籍于官顱頭骨亦入宣政院以賜所謂帝師者素在翰林時宴見備言始末帝歎息良久命北平守將購得顱骨于西僧汝納所諭有司厝之高坐寺西北其明年紹興以宋穆陵圖

來獻遂收塋故陵實素發之云

明代基本史料叢刊·文集卷（第一輯）·洪武、建文朝

唐學士全集

卷一

一

三

芳樹園

故翰林侍講學士中順大夫知制誥同修國史

危公新墓碑銘

宋 濂

嗚呼翰林侍講學士中順大夫知制誥同修國史危
公享年七十以洪武五年春正月二十三日卒于和
州含山縣之寓舍其年二月十五日權厝於含山某
年月日始遷葬金谿白馬鄉高橋之原其子彬深悲
公之功行世系不昭自於天下晝夜兢惕自為狀二
萬言來謁新墓之銘濂守官少暇久未克論譔春正
月蒙恩致政東歸私念公相知特深在前朝時欲引

危學士全集

芳樹園

薦入史館及今待罪禁林實與公為同僚相得甚驩
于是評隲羣行而勒文於碑其文曰公諱素字太樸
姓危氏危本姬姓周武王庶子棊生而手中有文曰
危因賜姓危氏封於新其後居光州晉永嘉中建州
刺史京遷建昌之南城唐黃巢之亂全諷與其弟子
倡赤手起兵擒巢黨柳彥章於象牙潭擢撫州刺史
累官金紫光祿大夫檢校太傅封南庭郡王南庭之
後復遷撫之金谿白馬鄉譜圖亡竟逸其名南庭十
五世孫宋景定三年進士通直郎知臨安府仁和縣

事元累贈中奉大夫江浙等處行中書省叅知政事
護軍追封汝南郡公炎震公之曾大父也累贈資善
大夫河南等處行中書省左丞上護軍追封臨川郡
公龍友公之大父也累贈榮祿大夫江西等處行中
書省平章政事柱國追封豫國公永吉公之父也曾
祖妣王氏彭氏妣劉氏皆封郡夫人郡之名如其夫
母劉氏黃氏並封豫國夫人公自至正元年用大臣
交薦入經筵為檢討公年已四十一矣五年改承事
郎國子助教七年除應奉翰林文字同知制誥兼國